

նուս և խաղացոյց զայն 'ի ծովն կտրմիր, և եղևուլ 'ի նմա զօրս արձակեաց 'ի Մէտինէ քաղաք, զի բերեալ հանցեն 'ի գերեզմանէ զոսկերս մարգարէի նոցին՝ տանել յաշխարհն իւրեանց, չյաճախել այլ եւս անդ ուխտաւորացն Արարացւոց: Իրբեւ լուաւ զայս Սալահատտին՝ որ էր յայնժամ 'ի կողմանս Խառանայ, աղղ արար իշխանին Եղիպտոսի, և նա առաքեաց զկնի նոցա զՀիսամէտտին զօրօք, որոց խառնեցան խումբք Արարացւոց, և հասեալ մերձ 'ի Մէտինէ՝ ձեռնակալ արարին 'ի նոցանէ զարս 10. և տարեալ 'ի Քահիրէ ետուն կոտորել զնոսա դասուց զխանաւորաց:

Եւ մինչդեռ քրիստոնէայք եւ այլազգիք տագնապէին 'ի սոյն վիճակ տաժանելի, Սուլթանն Իկոնիոյ, Գըլիճ Արսլան 'ի Աեճուգեան մնացորդաց, արչաւեաց 'ի սահմոնս տէրութեան Սուլթանին 'ի դրաւել զբերդն Ռապան. Սալահատտին բարկացաւ յոյժ, զի համարձակեցաւ ազարտել զկարգ օրինացն Իսլամաց. ուստի 'ի վանել զնոր թըշնամիս զայս եթող զպատերազմն քրիստոնէից, որ ուխտ եղեալ էր անձին իւրում վախճան առնել նոցա: Առաքեաց զզօրավարն Թողի էտտին 1000 արամբք, որոյ սլատահեալ 20,000 զօրաց Գլիճ Արսլանայ, ցրուեաց զնոսա, և նոցա թողեալ զամբոցն Հեան մեկնեցան 'ի սեղի իւրեանց եւ խնդրեցին հաշտութիւն: Սալահատտին ոչ կամեցաւ նեղել զժողովուրդն, որք նեղեալ էին յերեսաց սաստկութեան սովուն. վասն որոյ առաջի արար Իսլամաց և Քրիստոնէից և ամենայն մերձակայ թագաւորաց ընդհանուր հաշտութիւն: Ժողովեցան առ նա դեսպանք յամենայն կողմանց, ընդ որս և դեսպանն Բալտովինի, եւ եղեալ դաշինս՝ արարին խաղաղութիւն:

Սալահատտին, որ տաժէր 'ի սրտի իւրում զսէր աշխարհակալութեան, արդիւնաւորեաց զայն յասիական եւ յարաբական սլատերազմունս, և վայլեցոյց զհամբաւ մեծութեան իւրոյ առաջի աշխարհի. զանգործ ազքատս և զկարօտեալս Սուրիոյ տարաւ ընդ իւր յեղիպտոս և հանգոյց զնոսա խնամօք, սրով եղեւ երախտաւոր եւ բարերար հասարակաց. եւ ապա ձեռն արկ կատարել զբարեգործական շինուածսն զօր սկսեալն էր յառաջագոյն: